

Le livre des serfs de Marmoutier, Nr. 78

Notum sit omnibus sanctae Dei ecclesiae fidelibus quod famulus quidam, ex libero genere ortus, nomine Harduinus, timore divino compunctus, cum nichil karius haberet quod omnipotenti Deo potuisset offerre, semetipsum pro ejus amore Sancto Martino, in domni Alberti abbatis presentia, tradidit in servum. Qui videlicet Harduinus, ut ipsa sui traditio appareret, cordis quoquo signorum collum suum circundedit, et pro recognitione super altare IIIIor de capite proprio denarios imposuit. Quod utique conditione tali gestum est, ut non ille tantummodo, verum etiam tota ex ipso nascitura progenies, omnibus diebus vitae suae abbati Majoris Monasterii et senioribus loci serviat jure servili. Haec autem ut firmior haberetur notitia, nominibus testium qui ad hoc audiendum producti fuerunt, subnotatur istorum. Hildebertus coquus. Stephanus cellararius. Tetbaldus. Bernardus hospitalis. Frogerius hospitalis. Odo sartor.